



ახალციხის მუნიციპალიტეტის საკრებულოს
განკარგულება



განკარგულება:გ-13.13221181

თარიღი:28/04/2022

ა(ა)იპ „ახალციხის მძლეოსნობის სპორტული კლუბის“ (ს/კ 424068065) და ა(ა)იპ სკოლისგარეშე სასპორტო საგანმანათლებლო დაწესებულება - ქალაქ ახალციხის კომპლექსური სასპორტო სკოლის“ (ს/კ 224090524) შერწყმის (გაერთიანების) თაობაზე თანხმობის მიცემისა და ა(ა)იპ „ახალციხის მუნიციპალიტეტის სპორტული გაერთიანება“-ს წესდების დამტკიცების შესახებ

„ადგილობრივი თვითმმართველობის კოდექსი“ საქართველოს ორგანული კანონის 54-ე მუხლის პირველი პუნქტის „დ.ბ“ ქვეპუნქტისა და 61-ე მუხლის მე-2 პუნქტის შესაბამისად,

1. მიეცეს თანხმობა ახალციხის მუნიციპალიტეტის მერიას, მოახდინოს ა(ა)იპ „ახალციხის მძლეოსნობის სპორტული კლუბის“ (ს/კ 424068065) და ა(ა)იპ „სკოლისგარეშე სასპორტო საგანმანათლებლო დაწესებულების - ქალაქ ახალციხის კომპლექსური სასპორტო სკოლის“ (ს/კ 224090524) შერწყმა (გაერთიანება) და მის საფირმო სახელწოდებად განისაზღვროს ა(ა)იპ „ახალციხის მუნიციპალიტეტის სპორტული გაერთიანება“
2. მიეცეს თანხმობა ახალციხის მუნიციპალიტეტის მერიას, მოახდინოს ა(ა)იპ „ახალციხის მუნიციპალიტეტის სპორტული გაერთიანების“ წესდების დამტკიცება წარმოდგენილი დანართის შესაბამისად.
3. რეგისტრირებულ მონაცემებში ცვლილების განხორციელების უფლებამოსილება მიენიჭოს ახალციხის მუნიციპალიტეტის მერს.
4. განკარგულება ძალაშია ხელმოწერისთანავე.
5. განკარგულება შეიძლება გასაჩივრდეს დაინტერესებული მხარის მიერ მისი გაცნობიდან ერთი თვის ვადაში ახალციხის რაიონულ სასამართლოში. (მის: ქ. ახალციხე, მებაღეშვილის ქ. № 60 ა).

დავით ლომიძე

ახალციხის მუნიციპალიტეტის საკრებულო-
საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი



არასამეწარმეო (არაკომერციული) იურიდიული პირი -
„ახალციხის მუნიციპალიტეტის სპორტული გაერთიანება“

წესდება

მუხლი 1. ზოგადი დებულებანი

1. არასამეწარმეო (არაკომერციული) იურიდიული პირი - „ახალციხის მუნიციპალიტეტის სპორტული გაერთიანება“ (შემდგომში - იურიდიული პირი) არის ცხოვრების ჯანსაღი წესის დამკვიდრების, მასობრივი სპორტის განვითარების და საქართველოს ეროვნული ნაკრებებისათვის სპორტსმენების მომზადებისაკენ ორიენტირებული იურიდიული პირი.
2. არასამეწარმეო (არაკომერციული) იურიდიული პირი, საქართველოს კანონმდებლობის შესაბამისად, წარმოადგენს იურიდიულ პირს, რომელიც თავის საქმიანობას წარმართავს საქართველოს კონსტიტუციის, საქართველოს კანონმდებლობისა და წინამდებარე წესდების საფუძველზე.
3. იურიდიული პირის სახელწოდება: „ახალციხის მუნიციპალიტეტის სპორტული გაერთიანება“
4. სამართლებრივი ფორმა: არასამეწარმეო (არაკომერციული) იურიდიული პირი.
5. იურიდიული მისამართი: საქართველო, ქ. ახალციხე, მ.კოსტავას ქ. N18.
6. იურიდიული პირს აქვს დამოუკიდებელი ბალანსი, საანგარიშსწორებო და სხვა ანგარიშები საბანკო დაწესებულებებში, არაკომერციული იურიდიული პირის სხვა რეკვიზიტები.
7. ორგანიზაცია საკუთარი სახელით ახორციელებს თავის უფლებებსა და მოვალეობებს, აფორმებს ხელშეკრულებებს, როგორც საქართველოს ასევე უცხოეთის ფიზიკურ და იურიდიულ პირებთან, დებს გარიგებებს, საკუთარი სახელით შეუძლია გამოვიდეს მოსარჩილედ და მოპასუხედ სასამართლოში.

მუხლი 2. იურიდიული პირის დამფუძნებელია

1. იურიდიული პირის დამფუძნებელია:
 - საჯარო სამართლის იურიდიული პირი - ახალციხის მუნიციპალიტეტი . მისამართი: ქ. ახალციხე, მერაბ კოსტავას ქ. N 18, საიდენტიფიკაციო ს/კ: 224101317
 - ა(ა)იპ საქართველოს მძლეოსნობის ეროვნული ფედერაცია მისამართი: საქართველო, თბილისი, ვაკე-საბურთალოს რაიონი, ჭავჭავაძის გამზირი № 49 ბ , საიდენტიფიკაციო ს/კ: 204896924
2. დამფუძნებელი განსაზღვრავს იურიდიული პირის წესდებას, მიზნებსა და ამოცანებს.

მუხლი 3. იურიდიული პირის მიზნები და ამოცანები

1. იურიდიული პირის მიზნები და მისი ამოცანებია:
 - ა) ბავშვთა და მოზარდთა ჩაბმა სპორტულ-გამაჯანსაღებელ მოძრაობაში, მათი მეთოდური აღზრდა და დაოსტატება.
 - ბ) საქართველოს ეროვნული ნაკრებებისათვის სპორტსმენების მომზადება.
 - გ) ცხოვრების ჯანსაღი წესის პროპაგანდა და დამკვიდრება, მასობრივი სპორტის განვითარება;
 - დ) “ახალციხის მუნიციპალიტეტის სპორტული გაერთიანებაში“ არსებული სპორტის სახეობების მიხედვით, მუნიციპალიტეტისა და ეროვნული ნაკრების კანდიდატებისა და პერსპექტიული სპორტსმენების მზადების ორგანიზება და რეზერვის მომზადება;
 - ე) იურიდიული პირის მოსწავლეთათვის (სპორტსმენთათვის), მუნიციპალური და ეროვნული ნაკრები გუნდების წევრებისათვის მატერიალურ-ტექნიკური საწვრთნელი ბაზის შექმნა შესაბამისი სახეობების მიხედვით,
 - ვ) სპორტულ - გამაჯანსაღებელი ღონისძიებების უზრუნველყოფა , ღონისძიებების საკუთარი გრაფიკის შემუშავება და განხორციელება;

ზ) საქართველოს ნაკრები გუნდის წევრების მზადების ხელშეწყობა ევროპის და მსოფლიოს ჩემპიონატებისათვის, ოლიმპიური თამაშებისათვის და სხვადასხვა საერთაშორისო შეჯიბრებებზე მონაწილეობისათვის;

თ) საქართველოს სპორტის და ახალგაზრდობის საქმეთა სამინისტროს, სხვადასხვა სპორტული ორგანიზაციების (ფედერაციების) ინიცირებით სპორტულ-მეთოდური საქმიანობის განხორციელება, მათ მიერ ორგანიზებულ ღონისძიებებში მონაწილეობა;

ი) სხვადასხვა დონის შეჯიბრის ჩატარება და მათში მონაწილეობა.

კ) იურიდიული პირი უზრუნველყოფს სასპორტო საწვრთნელ საქმიანობას სპორტის სხვადასხვა სახეობაში, კოორდინაციას უწევს იურიდიული პირის ბაზაზე შექმნილ კლუბებს და ახორციელებს მათ მონაწილეობას სხვადასხვა ჩემპიონატში.

მუხლი 4. იურიდიული პირის მართვა

1. იურიდიული პირის ხელმძღვანელობა და წარმომადგენლობა ენიჭება დირექტორს, რომელსაც ნიშნავს და ანთავისუფლებს ახალციხის მუნიციპალიტეტის მერი.
2. დირექტორი ანგარიშვალდებულია დამფუძნებლის წინაშე და პერიოდულად (მოთხოვნისთანავე) წარუდგენს მას ანგარიშს, იურიდიული პირის საქმიანობის შესახებ.
3. დირექტორი:
 - ა) წარმოადგენს იურიდიულ პირს მესამე პირებთან ურთიერთობაში. ორგანიზაციებსა და ყველა ინსტანციის სასამართლოში,
 - ბ) ადგენს საშტატო ნუსხას, სტრუქტურას, სახელფასო ფონდს და შესათანხმებლად წარუდგენს ახალციხის მუნიციპალიტეტის მერს.
 - გ) თანამდებობაზე ნიშნავს და ათავისუფლებს იურიდიული პირის თანამშრომლებს, საჭიროებისამებრ აფორმებს შრომით ხელშეკრულებებს დროებით მოწვეულ სპეციალისტებთან. ახორციელებს სამსახურებრივ ზედამხედველობას თანამშრომელთა საქმიანობაზე, იღებს გადაწყვეტილებას თანამშრომელთა წახალისებისა და დისციპლინარული პასუხისმგებლობის დაკისრების შესახებ.
 - დ) დირექტორი საკუთარი კომპეტენციის ფარგლებში, გამოსცემს ინდივიდუალურ-სამართლებრივ აქტს;
 - ე) დირექტორი ორგანიზაციის სახელით, ახორციელებს საბანკო ურთიერთობებს, ხელს აწერს საფინანსო დოკუმენტებს;
 - ვ) წარმართავს და ორგანიზებას უწევს დაწესებულების საერთო საქმიანობას და პასუხისმგებელია ამ საქმიანობის კანონიერებასა და ეფექტურობაზე;
 - ზ) მუნიციპალიტეტის მერთან შეთანხმებით, კანონით დადგენილი წესითა და კომპეტენციის ფარგლებში განახორციელებს შესყიდვას, გეგმის საფუძველზე.
 - თ) დირექტორი, მოვალეობის შეუსრულებლობის ან არაკეთილსინდისიერად შესრულების შემთხვევაში, არასამეწარმეო (არაკომერციული) იურიდიული პირისა და დამფუძნებლის წინაშე პასუხისმგებელია წარმოშობილი ზიანისათვის;
 - ი) მუნიციპალიტეტის მერს წერილობით წარუდგენს „გაერთანების“ ბაზაზე შესაქმნელი ახალი სპორტული კლუბის დებულების პროექტს. მერის თანხმობის მიღების შემდეგ კი აფუძნებს ახალ სასპორტო კლუბებს;
 - კ) პასუხისმგებელია საბიუჯეტო სახსრების მიზნობრივ გამოყენებაზე;
 - თ) პასუხისმგებელია სარგებლობაში არსებული ქონების დაცვასა და მიზნობრივ გამოყენებაზე;
 - ლ) შეიმუშავებს და ამტკიცებს შინაგანაწესს;
 - მ) ამტკიცებს „გაერთიანების“ სასწავლო-საწვრთნელი ვარჯიშების მეცადინეობის გრაფიკს და ვალდებულია სასწავლო-საწვრთნელი მეცადინეობების ეფექტურად ჩატარებაზე.
 - ნ) წესდებით განსაზღვრული მიზნებისა და ამოცანების მისაღწევად უფლებამოსილია განახორციელოს კანონით გათვალისწინებული სხვა მოქმედებები.

4. დირექტორს ჰყავს მოადგილე, რომელსაც თანამდებობაზე ნიშნავს და ათავისუფლებს ა(ა)იპ “ახალციხის მუნიციპალიტეტის სპორტული გაერთიანების“ დირექტორი. დირექტორის არყოფნის შემთხვევაში მის მოვალეობებს ასრულებს დირექტორის მოადგილე, რომელსაც დირექტორის მოვალეობას აკისრებს ახალციხის მუნიციპალიტეტის მერი.

მუხლი 5. დაფინანსება

1. წესდებით განსაზღვრული მიზნებისა და ამოცანების განსახორციელებლად იურიდიული პირის დაფინანსების წყარო შეიძლება იყოს:
 - ა. ადგილობრივი ბიუჯეტი;
 - ბ. დამფუძნებლის შენატანები;
 - გ. გრანტები და სუბსიდიები;
 - დ. საქართველოს კანონმდებლობით ნებადართული სხვა შემოსავლები.
2. იურიდიული პირი ვალდებულია დადგენილი წესით აწარმოოს საფინანსო და სამეურნეო საქმიანობა, საფინანსო აღრიცხვა-ანგარიშგება. სამეურნეო საქმიანობის შედეგები აისახება წლიურ ანგარიშში.
3. იურიდიული პირი უფლებამოსილია ეწეოდეს დამხმარე ხასიათის სამეწარმეო საქმიანობას, საიდანაც მიღებული მოგება უნდა მოხმარდეს მისი მიზნების რეალიზებას.
4. ამ მუხლით განსაზღვრული სახსრები, კანონმდებლობის შესაბამისად, ხმარდება მხოლოდ იურიდიული პირის მიზნებსა და ამოცანების განხორციელებას. იურიდიული პირის სხვა მიზნით გამოყენება დაუშვებელია.

მუხლი 6. იურიდიული პირის საკუთრება და ქონება

1. არასამეწარმეო (არაკომერციული) იურიდიული პირის ქონებას შეადგენს წესდებით გათვალისწინებული მიზნებისა და ამოცანების განსახორციელებლად საჭირო ფულადი სახსრები და მატერიალური რესურსები.
2. არასამეწარმეო (არაკომერციული) იურიდიული პირის სარგებლობაში არსებული უძრავ-მოძრავი ქონება და მასთან დაკავშირებული საკითხები რეგულირდება საქართველოს კანონმდებლობით დადგენილი წესის შესაბამისად.

მუხლი 7. საქმიანობა, რომელიც საჭიროებს თანხმობას

1. იურიდიულ პირს შეუძლია მხოლოდ დამფუძნებლის თანხმობით განხორციელების შემდეგი ქმედებები:
 - ა) უძრავი ქონების შეძენა, გასხვისება და დატვირთვა;
 - ბ) სესხის აღება;
 - გ) თავდებობა;
 - დ) სხვა გადაწყვეტილებები, რომელიც სცილდება არასამეწარმეო (არაკომერციული) იურიდიული პირის საქმიანობის ფარგლებს.

მუხლი 8. წესდებაში ცვლილებებისა და დამატებების შეტანის წესი

წესდებაში ცვლილებებისა და დამატებების შეტანა ხორციელდება საქართველოს კანონმდებლობით დადგენილი წესით.

მუხლი 9. ლიკვიდაცია და რეორგანიზაცია

1. არასამეწარმეო (არაკომერციული) იურიდიული პირის რეორგანიზაცია ხორციელდება საქართველოს კანონმდებლობით დადგენილი წესით, დამფუძნებლის გადაწყვეტილებით.

2. არასამეწარმეო (არაკომერციული) იურიდიული პირის ლიკვიდაცია ხორციელდება მიზნის მიღწევის შედეგად, სისხლის სამართლის საქმეზე კანონიერ ძალაში შესული სასამართლოს გამამტყუნებელი განაჩენის საფუძველზე, გაკოტრებისას ან საქართველოს სამოქალაქო კოდექსის 38-ე მუხლის შესაბამისად.
3. ლიკვიდაციის დროს უნდა დასრულდეს მიმდინარე საქმეები, დადგინდეს მოთხოვნები, დარჩენილი ქონება გამოიხატოს ფულად ერთეულში, დაკმაყოფილდნენ კრედიტორები და დარჩენილი ქონება გაუნაწილდეს უფლებამოსილ პირებს.
4. დამფუძნებლის გადაწყვეტილება საზოგადოების ლიკვიდაციის პროცესის დაწყების შესახებ უნდა დარეგისტრირდეს მეწარმეთა და არასამეწარმეო (არაკომერციული) იურიდიული პირების რეესტრში. ლიკვიდაციის პროცესი დაწყებულად ითვლება მისი რეგისტრაციის მომენტიდან.
5. ლიკვიდაციის შედეგად დარჩენილი ქონების მიღებაზე უფლებამოსილ პირებს განსაზღვრავს არასამეწარმეო (არაკომერციული) იურიდიული პირის დამფუძნებელი. არასამეწარმეო (არაკომერციული) იურიდიული პირის ლიკვიდაციისას ქონების გასხვისება შესაძლებელია, თუ:
 - ა) გასხვისება ხელს უწყობს მის მიერ დასახული მიზნების განხორციელებას;
 - ბ) ემსახურება საქველმოქმედო მიზნებს;
 - გ) ქონება გადაეცემა სხვა არასამეწარმეო (არაკომერციულ) იურიდიულ პირს.
6. აკრძალულია ლიკვიდაციის შედეგად დარჩენილი ქონების განაწილება არასამეწარმეო (არაკომერციული) იურიდიული პირის დამფუძნებლებს, წევრებს, ხელმძღვანელობისა და წარმომადგენლობითი უფლებამოსილების მქონე პირებს შორის. დარჩენილი ქონების განაწილება მოხდება კანონით დადგენილი წესით.
7. ლიკვიდაციას ახორციელებს ხელმძღვანელობის უფლებამოსილების მქონე პირი (პირები) ან კანონით დადგენილი წესით დანიშნული ლიკვიდატორი. ლიკვიდატორი პასუხს აგებს, როგორც ხელმძღვანელობისა და წარმომადგენლობითი უფლებამოსილების მქონე პირი.

მუხლი 10. დასკვნითი დებულებები

1. წესდების რომელიმე დებულების ბათილად ცნობა, გავლენას არ მოახდენს წესდების სხვა დებულებების ნამდვილობაზე.
2. წესდებებსა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.